



Nuna Tamakkerlugu Inunnut Innarluutilinnut Sullissivik

Pissassarfimmut pissassiarnissamik innersuussinermi kommunimi
sullissisunut sullissineq pillugu ilitsersuut, aamma immersugassat
immersornissaannut nassiunnissaannullu ilitsersuutit

Imarisaa:

Aallaqqaasiut.....	3
Pissassarfik pillugu naatsumik paassisutissaq.....	4
Pissassarneq pillugu naatsumik paassisutissaq.....	5
Qinnuteqarnermut piumasaqaatit.....	6
Qinnuteqarneq.....	6
Suliamut ingerlatseriaaseq.....	7
Akigititat aamma billetsit.....	8
Ingiallorteqartitsineq imaluunniit tapersersorteqarneq, taakkulu ullormusiaat.....	9
Pissassarfimmi ineqarneq nerisaqarnerlu.....	10
Pissassariarnermi nassatassat.....	10
Pissassarneq.....	10
Pissassariarnerup naammassinerani inaarutaasumik nalunaarusiaq.....	11
Allannguutit.....	11
Innersuussinermi immersugassap immersorneqarnissaanut ilitsersuut.....	12
Pissassarfimmut innersuussiniarluni nassiussinissamut ilitsersuut.....	13
Mailikkut nassiussineq.....	14
Pissassarfik attavigiuk.....	15

Aallaqqaasiut

Innuttaasut innarluutillit Pissassarfimmut pissassariarniarlutik qinnuteqaraangata kommuni pissassariarnissamik Pissassarfimmut innersuussisarpoq. Uani kommunini sullisisunut ilitsersuummi Pissassarfik aamma pissassarneq pillugu naatsumik paasissutissat kiisalu kommunip aamma Pissassarfiup suliassaqrflisa nassuiarneri, sulianullu tunngatillugu suliassat qanoq suliarineqarnissaanik, immersuinissamullu ilitsersuutit atuarneqarsinnaapput.

Pissassarfiup pingartippaa innuttaasoq, kommunimi sullissisoq aamma innuttaasumut attaveqaataasut suleqatigilluarnissai. Taamaattumik sullisisut qinnuigissavagut pissassarfimmut innersuussinermi Pissassarfiup mailianut uku ataatsikkut nassiunneqartassasut:

- Innuttaasup sullissivik aqqutigalugu immersugaa
- Pissassariartitsiniarnermi innersuussinermut immersugassaq tamakkiisumik immersornikoq, kalaallisut qallunaatullu (Immikkut kakkiullugit nassiuutissapput)-
*Pissassarfiup aamma lsumaginninnermut Aqutsisoqarfup nittartagaani
immersugassat aaneqarsinnaapput*
- Pissassariarnermi paasissutissanik piniarnissamut aamma/imaluunniit ingerlatitseqqinnissamut pisinnaatitsissut atsiornikoq, *Pissassarfiup nittartagaani
aamma lsumaginninnermut Aqutsisoqarfup immersugassat aaneqarsinnaapput*
- Kommunip innuttaasoq pillugu iliuusissatut pilersaaruseaa, kalaallisut qallunaatullu allanneqarsimasoq- *kommunip iliuusissatut pilersaarut suliarissavaa*
- Nakorsap oqaaseqaataa, innarluutip/nappaatip suussusaanik paasissutissartalik
- Allat (peqarpat) innuttaasup piginnaasatigut qaffasissusaa aamma suliaqarnermi ajornartorsiutai pillugit peqqissutsimik suliaqartunit oqaaseqaat

Eqqumaffigisassat: Eqqortumik tamakkerlugit immersorneqarsimassapput aamma oqaatsit marluusut atorlugit allassimanissaat, tassa kalaallisut qallunaatullu. Nassiusinermi mailimi qanoq immikkoortillugit kakkiunneqassanersut, aamma mailimi quleqtsiusasaartumi allaffissamilu allaqqasussat aalajangersimasut qimerloorluaqquagut maleqqullugillu. Taamaasilluni sullissineq eqaatsumik sukkanerusumillu ingerlasinnaaniassammat.

Pissassarfimmiit neriuutigivarput una kommunini sullisisunut ilitsersuut sullissinermi iluaqutaalluarumaartoq.



Pissassarfik pillugu naatsumik paasissutissaq:

Pissassarfik Nuna Tamakkerlugu Inunnut Innarluutilinnut Sullissiviavoq Sisimiuni inissisimasoq.

Pissassarfimmi neqeroorutit innuttaasunut innarluutilinnut qassinilluunniit ukiulinnut, innarluutillit qanigisaannut taassumalu iluani sullisisunut neqeroorutaapput.

Pissassarfiup neqeroorutigivaa innuttaasut ataasiakkaat toraarlugit angusassamik piginnaangorsaaqqinneq aamma piginnaangorsaaneq, sulianut tunngasunut siunnersuilluni ilitsersuineq, siunnersuineq, sukumiisumik erseqqissaaneq, ilinniartitsineq, pikkorissarnerit aamma timikkut ilisarsisinnaassutsikkullu piginnaasat annikillisimasut pillugit sungiusaaneq.

Tamatumuuna suliat akimorlugit ataatsimoortumillu isiginnittariaaseqarluni sullissinissat, ilisimasanik inerisaaneq aamma ilisimasanik avitseqatigiinnissat periarfissaapput.

Pissassarneq pillugu paasissutissaq naatsumik

Kommuni innuttaasut innarluutillit Pissassarfimmut pissassariarnissaannut innersuussisarpoq. Kommuni aamma innuttaasoq suleqatigalugit Pissassarfimmi passussisut peqatigalugit innuttaasup ulluinnarni killiffimmini unammillernartitai, avatangiisai aamma pissassariarnermi angorusutai aallaavigalugit innuttaasumut naleqqussakkamik pissassarneq ingerlanneqartarpoq.

Innuttaasoq pisariaqartitsinermi ingiallorteqarsinnaavoq, tapersersortimik imaluunniit ingiallortimik. Pissassarneq sapaatip akunnerini marlunni sivisussusilimmik ingerlanneqartarpoq.

Pissassarneq soorlu makkunannga imaqarsinnaavoq:

- Qulaajaaneq
- Paasiniaaneq
- Ilitsersuineq
- Ilisimasanik avitsineq
- Timikkut sungiusaaneq
- Paasinnittaatsikkut/eqqarsartaatsikkut sungiusarneq
- Ikiutinik misileraaneq
- Killiffik aallaavigalugu oqaloqatigiinneq

Pissassarneq sungiusarnerinnaanngilaq, ulluinnarnili innuttaasup unammillernartitaasa malitsigisartagai tamakkiisumik isigalugit aamma sammineqartarput, soorlu inuiaqatigiinni inuuniarnikkut ataqatigiisumik tulluarsakkamik sullinneqarneq.

Pissassariartup piginnaasai aallaavigalugit sungiusaatissat suliarineqartarput, taakkulu angerlareernermeri nangillugit aallussinnaanngorsimassavai.

Pissassareernerup kingorna ulla 14-init qaangiussimalernerani pissassarfimmi passussisut pissassarsimasup qanoq ingerlaneranik paasiniaallutik oqarasuaat aqqtigalugu malitseqartitsillutik attaveqartarput.

Pissassarnerup naammassinerata kingorna sapaatip akunneri tallimat qaangiunnerini inaarutaasumik nalunaarusiaq kommunimut nassiunneqartarpoq. Innuttaasoq peqatigalugu nalunaarusiaq atuarneqassaaq, pissassariarnermi pissarsiat aamma iliuusissatut suliniutaasussat aallunneqarnissai pingaartillugit eqqartoqarneqassapput.

Pissassarfimmit suliniutissatut siunnersuutigineqartut innuttaasup avatangiisaanut attuumassuteqarpata assersuutigalugu soorlu kommuni, qanigisat aamma kommunimi nunaqarfisami attaveqarfisartakkat allat. Pissassarfimmit siunnersuutigivarput suliamut attuumassutillit pineqartut suliniutaasusanut ilanngullugit

peqataatinneqarnissaat. Taamaasilluni ataatsimoorussamik kivitsinikkut innuttaasup pitsaasumik sullinneqarnissaa anguneqarsinnaammatt

Qinnuteqarnermut piumasaqaatit

- Innuttaasup innarluutaa suussusilerneqarsimassaaq
- Siusinaarluni iliuuseqarneq (meeqqat 18-it inorlugit ukiullit nakorsamit misissorneqarlutik qulaajaaffigineqarnissamut utaqqisut)

Innutaasoq pissassariarnermi suleqataasinnaanera aamma tigooraasinnaara, paasinnissinnaanera kiisalu ilitsersuutigineqartunik naammassisqarsinnaanissaa pisariaqarpoq.

Innutaasup napparsimavimm Sungiusrneqarnera naammassineqarsimassaaq. Pisassariarnermi aanngaajaarniutinik atuineq akuersaarneqanngilaq, tamanut atuuppoq. Qaangiinermi kommunerisap aningaasartutigisassaanik angerlartitsisoqarsinnaavoq.

Qinnuteqarneq

Innutaasoq sullissivik gl aqqutigalugu imaluunniit kommunimi sullissivimmi immersugassamik immersuilluni pissassariarnissamut qinnuteqarsinnaavoq.

Qinnuteqarnermut piffissaliussaq

Ukioq naallugu Pisassarfimmut pissassariarnissamik qinnuteqartoqarsinnaavoq.



Suliamut ingerlatseriaaseq

Kommunimit innuttaasup qinnuteqaataa tiguneqarpat sullisisut pissassariarnissamut innuttaasoq piukkunnaateqarnersoq nalilersussavaat. Pisssassariarnissamullu innuttaasoq innersuunneqarpat kommunip qinnuteqaat immersoqqueriarlugu Pisssassarfimmut ingerlateqqissavaa. Kommuni pissassariarnissamut itigartitsisinnaavoq.

Pisssassarfimmi innersuussanut ataatsimiititaliap innuttaasup qinnuteqaataa aallaavigalugu innuttaasumut pissassariarsinnaaneq naleqqunnersoq aamma nalilersussavaat.

- Innuttaasoq akuerineqaruni, Pisssassarfimmit akissut kommunimut ingerlateqqinnejqassaaq
- Innuttaasoq itigartinneqaruni, Pisssassarfimmit akissut tunngavilersuutitalik aamma siunnersuutitalik kommunimut ingerlateqqinnejqassaaq

Allakkatigut akissutissarsineq

Pisssassariarnissamut innuttaasoq akuerisaanersoq imaluunniit itigartitaanersoq maili immersuinermi innuttaasumit allanneqartoq aqqutigalugu kommuni akissuteqassaaq.

Allakkatigut itigartitsinermi Pisssassarfimmit allagaq “Siunnersuineq” ilanngullugu innuttaasumut nassiussassaq

Innutaasumut pissassariarnissamik itigartitsisoqaraluartoq Pisssassarfimmit siunnersuineq suli periarfissaavoq. Taamaattumik allagaq “Siunnersuineq” Pisssassarfip aamma lsumaginninnermut Aqutsisoqarfiup nittartagaanni aaneqassaaq, itigartitsinermut allakkap nassiunnerani kakkiullugu ilanngunnejqassaaq.

Qinnuteqarnermiit akissutissarsinissap tungaanut sivisussusaa

Kommunimi aamma Pisssassarfimmi qinnuteqaatit immikkut sapaatip akunerini marlunni sivisussusilimmik suliarineqartarmata, qinnuteqaatip nassiunneranit innuttaasup akissutissarsinissaa qaammat sinnilaarlugu sivisussuseqarsinnaavoq.

Innersuussinermi immersugassat aamma innuttaasoq peqatigalugu immersuineq

Innersuussinermi immersugassat aamma akuersilluni atsiugassaq Pisssassarfip aamma lsumaginninnermut Aqutsisoqarfiup nittartagaanni aaneqarsinnaapput:

www.pisssassarfik.gl & www.socialstyrelsen.gl Immersugassat qanoq imaqrneri sullisisunit paassillugit atuarneqaqqaarnissai Pisssassarfimmit innersuussutigivarput, taamaasilluni innuttaasoq aggersarnerani suut immersorneqalerneri nassuaatigineqarsinnaaniassammata. Innuttaasup sullissivik aqqutigalugu immersugaa, Pisssassarfimmit immersugassat ilanngullugit kommunip innuttaasoq pillugu iliuusissatut pilersaarussiaa, nakorsap oqaaseqaataa innarluutip/nappaatip suussusaanik paasissutissartalik, aamma (peqarpat) innuttaasup piginnaasatigut qaffasissusaa

suliaqarnermilu ajornartorsiutai pillugit peqqissutsimik suliaqartunit oqaaseqaataasut ilanngullugit ataatsimut nassiunneqarnissai eqqaamaneqassaaq.

Akigititat aamma billetsit

Pissassariarneq innuttaasumut, ingiallortimut aamma tapersersortimut akeqanngilaq.

Kommunip innuttaasup angalanera allallu angalanermi aningaasartuutasut akilissavai, pissassarfiup ineqarneq nerisaqarnerlu isumagissavai.

MALUGIUK: Siullertut billetsit Pissassarfiup inniminnerlugillu pisiarissavai, kingorna angalanermi aningaasartuutit naligi Pissassarfiup kommunimut akiligassatut nassiutissammagit.

Pissassariarnissaq akuerineqarpat Pissassarfimmi passussisut ulluliissapput qaqugu pissassariarneq pissanersoq. Innuttaasoq akuersippat Pissassarfimmit billetsit pisiarineqassapput sullissisumullu nassiunneqarlutik, sullisisullu innuttaasumut ingiallorteqarpallu ingiallortaasumut nassiutissavai.

MALUGIUK! Innuttaasup issiavik kaassuartagaq angalanermi nassarniarpagu issiavillu kaassuartagaq batteriinik ingerlateqarpat, batteria imerpalasuunngippat imaluunniit imerpalasuuppat tamanna pissassarfimmut nalunaarutigineqassamat. Tassunga immikkut immersugassaqarmat.

Billetsip atulereerneranit taamaatitsinermi, takkutinngitsoornermi imaluunniit angalasussap aqqa allanngortinneqarpat aningaasartuutit kommunimit matussuserneqassapput.



Ingiallorteqartitsineq imaluunniit tapersersorteqarneq, taakkulu ullormusiai.

Meeqqat 18-it inorlugit ukiullit ingiallorteqartinneqassapput. Pissassarfimmit ilaasussatut innersuussutigineqarpoq, angajoqqaaq ataaseq imaluunniit meeqqamut angajoqqaatut oqartussaassuseqartoq aamma meeqqamut ikorfartortortaasoq.

Inersimasut pisariaqartitsineq naapertorlugu tapersersorteqassaaq imaluunniit ingiallorteqassaaq. Inersimasut meeqqanit 18-it inorlugit ukiulinnit ingiallorteqartinneqassanngillat/ikorfartorteqartinneqassanngillat

Immikkut pisoqartillugu ilaquaasut tamarmik ilaatinneqarsinnaapput, innersuussinnginnermi tamanna pillugu Pissassarfik attavigineqassaaq.

Tapersersortip ullormusiassai kommunimi sullissisorisarlu isumagineqassapput, Pissassarfik tamanna pillugu sullissineq ajorpoq.

Ingiallorti/ ikorfartorti

Kommunip akissarsiat isumagissavai aammattaaq ikorfartorteqarnermut akisussaaffik tigummivaa, kiisalu qanigisaasut ingiallortaallutik angalaqataasut sulilluni isertitassaagaluartunut annaasaqaataasut aningaasaliiffigissavai.

Ingiallortaasumut/ikorfartortaasumut naatsorsuutigineqartut makkuupput:

- Pineqartoq eqeersimaarluni pissassarnerup ingerlanera tamaat peqataanissaq
- Innuttaasup ulluinnarni qanoq ittunik unammilligaqarneranik aamma inuttut eqqiluisaarnissamut pisariaqartitaanut ilisimannissaaq
- Innuttaasup angerlareernerata kingorna sungiusarnerani tapersersuissasoq, sulisunut aamma allanut qanigisaasunut ilisimasassanik ingerlatitseqqiissasoq

Ingiallortip sulinermi aningaasarsiaqarnermi annaasat Majoriamut nalunaarutigineqassapput, Pissassarfik tamanna pillugu sullissineq ajorpoq.

Sisimiunut tikinneq

Pissassariarlutik tikittut Pissassarfiup pedeliata aasarpai, pedeli allagartannguamik tigummiagaqartarpooq allaqqasumik: Pissassarfik.

Issiavik kaassuartagaq Pissassarfiup biiliani inissaqarpoq.

Pissassarfimmi ineqarneq nerisaqarnerlu

Pissassarfiup ineqarfiani nammineersinnaaneq

Innuttaasup Pissassarfiup ineqarfiani nammineersinnaanissa piumasaqaataavoq. Innuttaasoq inuttut eqqiluisaarnissamut imaluunniit assigisaanik ikiorneqarnissamik pisariaqartitsippat, ingiallortip/ikorfartortip suliassaraa innuttaasup pissassarnerata nalaani ikiortassallugu. Immikkut ittutigut innuttaasup pisariaqartitsinera naapertorlugu sapaatip akunnerata naanerini, unnukkut aamma unnuakkut tapersersortip/-ingiallortip sulinissai pilersaarusrusiorneqassapput. Kommunimi sullisisup innuttaasoq peqatigalugu pilersaarusrusiorneq ingerlatissavaat.

Pissassarfiup ineqarfiani innuttaasoq, ingiallorteqarpallu ingiallortaasoq immikkut ineeraqartinneqassapput nerisaqartinneqarlutilu, namminerli nerisassiorsinnaaneq periarfissaalluni. Immikkut ittutigut nerisassanik sapigaqarneq ilisimatitsissutigineqassaaq. Eqqiaasoqarpoq, innuttaasulli nammineq atisami errornissai isumagisussaavai, ineqarfimmi errorsisarfeqarpoq.

Pissassariarnermi nassatassat

Eqqaamasassat pingaernerit ilaat tassaapput illup iluani atisat skuullu timersuutaasinnaasut. Ulluinnarni pisariaqartillugit atortakkatit atisat, isersimmatit, uffaait, kigutigissaatit, nangit (atorneqarpata) aamma sullulikkut nerisartakkat (sullulikkut nerisaqartuungaanni) aamma nakorsaatit amerlanaarlugit nassarneqassapput.


Pissassarfimmi uffarnermi issiavik atorneqarsinnaasoq aamma meeraaqqanut siniffit atukkiunneqarsinnaasut pigineqarput.

Pissassarnerup ingerlasarnera

Ataasinngornermiit tallimanngorneq ilanngullugu, ullaakkut nalunaaqutaq arfineq pingasut aamma ualikkut nalunaaqutaq sisamap akornanni pissassarnerit ingerlanneqartarput.

Pissassarneq oqaloqtiginninnermik aallarniutaasumik ingerlanneqartarpoq. Innuttaasup pisariaqartitai killiffilu aallaavigalugit innuttaasumut naleqqussakkamik, ulluinnarni unammillernartitaanik pissassarnermi pilersaarusrusiornerit ukuusinnaapput; qulaajaaneq, oqaloqtiginneq, timikkut eqqarsartaatsikkullu sungiusaaneq.

Pingaaruteqarpoq innuttaasoq kajumissuseqarluni piumassuseqarlunilu sungiusarfissanut peqataasarnissaa.



Pissassarnerup naammassinerani inaarutaasumik nalunaarusiaq

Pissassarnerup naammassinerata kingorna sapaatip akunneri tallimat qaangiunnerini inaarutaasumik nalunaarusiaq kommunimut nassiunneqartarpoq. Innuttaasoq peqatigalugu nalunaarusiaq atuarneqassaaq, pissassariarnermi pissarsiat aamma iliuusissatut suliniutaasussat aallunneqarnissai pingaartillugit eqqartoqarneqassapput.

Pissassarfimmit suliniutissatut siunnersuutigineqartut innuttaasup avatangiisaanut attuumassuteqarpata assersuutigalugu soorlu kommuni, qanigisat aamma kommunimi nunaqarfisami attaveqarfisartakkat allat. Pissassarfimmit siunnersuutigivarput suliamut attuumassutillit pineqartut suliniutaasusanut ilanngullugit peqataatinneqarnissaat. Taamaasilluni ataatsimoorussamik kivitsinkkut innuttaasup pitsaasumik sullinnejarnissaa anguneqarsinnaammatt.

Allannguutit

Sullissinermut sunniutilimmik allanngortoqarpat innuttaasup kommunimi sullissisoq attavigissavaa. Assersuutigalugu sullissinerup ingerlanerani innuttaasoq kommunerisaminit nuukkuni, innuttaasup kommunerilikamini sullissisoq attavigissavaa suliamik ingerlasoqarnera nalunaarutigalugu.

Innersuussinermi immersugassap immersorneqarnissaanut ilitsersuut

Innersuussinermi immersugassap iluani naqinnerit uku takuneqarsinnaapput: A-B-C-D-E aamma* - Taakku imatut itisilerneqarlutik immersorneqassapput:

- A. Innuttaasoq issiavimmik kaasuartakkamik, aneerussivimmik, aneerussivimmik peqittakkamik assigisaanilluunniit nassataqarniarpat allanneqassapput. Aamma immikkut ittutigut nerisassanik sapigaqartoqarpat allanneqassapput.
 - B. Ataasiakkaat pisariaqartitsinerat naapertorlugu ingiallortimik pisariaqartitsisoqarnersoq naliliisoqassaaq.
 - C. Innersuussinermut peqqutaasoq: Innuttaasup ajornartorsiutigisartagai naatsumik ersarissumillu nassuiakkit.
 - **Timikkut aalaasinnaassutsikkullu unamminartitat:** Assersuutigalugu makkusinnaapput makittarissuseq, ataqtigiissaasinnaaneq, nukittussuseq imaluunniit timikkut aalaasinnaanermi ineriertornikkut kinguarsi Maneq
 - **Qanermi/iggiами unamminartitat:** Tassaasinnaapput oqaatsinik oqaatiginniniarnermi ajornartorsiutit, kiinnami nukiit imaluunniit nerinermi/iisiniarnermilu
 - **Perorsaanikkut unamminartitat:** Tassaasinnaapput killiliisarneq, ulluinnaat ilusilersortarnissaat, attuumassuteqarfut, pissusilersuutit allannngornissaannut ikorfartuineq
 - **Ilisarsisinnaassutsikkut pisinnaasaqassusermi unamminartitat:** Tassaasinnaapput aallussiniarneq, tamakkerlugu isiginissinnaaneq, sianiginninneq aamma eqqaamannissinnaaneq
 - D. Innuttaasup pissassarniarnissaminut siunertaa aamma anguniagai ersarissumik nassuiakkit.
 - E. Paasinnissinnaassutsikkut qanoq issuseq – Innuttaasup piginnaanngorsaqeqnneqarnissaani suleqataasinnaaneq aamma tigooraasinnaaneq, paasinnissinnaaneq kiisalu ilitsersuutigineqartunik naammassisqarsinnaanissaa pisariaqpoq. Taamaattumik immersuinerni aamma itisiliillutit nassuaateqalaassaatit.
- *. Immikkoortortaqarfip aqtsisumut paassisutissat ilangunneqassapput. Suliap ingerlanerani attaveqatigiinneq suli ingerlanneqarnissaa qulakkeerniarlugu.

Taakku ilitsersuutit allassimagaluartut immersugassat tamakkerluginnimmersorneqarsimassapput. Amigartumik immersorneqarsimappata innersuussineq. Pisassarfimmit suliarineqarsinnaanngilaq.

Pissassarfimmut innersuussiniarluni nassiussinissamut ilitsersuut:

Pissassarfimmut pissassiarnissamik innersuussinermi immersukkat mailimi ataatsimi
Pissassarfimmut nassiunneqartussat ukuupput:

- Innuttaasup sullissivik aqqutigalugu immersugaa
- Pisssariartitsiniarnermi innersuussinermut immersugassaq (Kalaallisut aamma qallunaatut immersorneqarsimasut, immikkullu kakkiunneqassapput) -
Immersugassaq Pisssarfíup aamma lsumaginninnermut Aqutsisoqarfíup nittartagaani aaneqarsinnaavoq
- Pisssarnermi paassisutissanik piniarnissamut aamma/ imaluunniit ingerlatitseqqinnissamut pisinnaatitsissut (Kalaallisut aamma qallunaatut immersorneqarsimasut)- *Immersugassaq Pisssarfíup aamma lsumaginninnermut Aqutsisoqarfíup nittartagaani aaneqarsinnaavoq*
- Kommunip innuttaasoq pillugu iliuusissatut pilersaarutaa (Kalaallisut aamma qallunaatut allaqqasoq, immikkullu kakkiunneqarlutik nassiunneqassapput)-
Tamanna kommunip nammineq iliuusissatut pilersaarut suliarissavaa
- Nakorsamit oqaaseqaat: Innarlut/nappaat pillugu paassisutissartalik -*Oqaaseqaat ukioq ataaseq sinnerlugu pisoqaatigissanngilaq*
- Allat (peqarpat) innuttaasup piginnaasatigut qaffasissusaa aamma suliaqarnermi ajornartorsiutai pillugit peqqissutsimik suliaqartunit oqaaseqaat

Immersugassat tamarmik sukumiisumik itisilerneqarsimasumillu
immersorneqarsimassapput kalaallisut qallunaatullu. Eqqaamallugu
immikkoortortaqarfíup aqtsisumut paassisutissat ilanngunneqarsimassammata, suliap
ingerlanerani attaveqaqatigijinneq suli ingerlanneqarnissaa qulakkeerniarlugu.


Maili nassiussiffissaq:

pissassarfik@nanoq.gl

Amigartumik immersorneqarsimappata innersuussineq Pisssarfimmit
suliarineqarsinnaanngilaq.

Mailikkut nassiuussineq:

Eqqaamallugu immersugassat immikkut tamaasa kakkiullugit ilanngunneqassammata.



Haluu Pisassarfik

Matumuuna: [Innersuunneqartup aqqa naggataalu] pisassariarnissamut innersuunneqarnera nassiuppoq.

[Innersuunneqartup aqqa naggataalu], [Inuuup normua]

Suussusilikkamik innarluut, nappaat: [Innarluutip/nappaatip suussusaal allaguk]

Ulluinnarni ikunnerit sisamat ikiorteqartarpooq.

Ikuutinik atugaqanngilaq

Mailimi ilanngullugit kakkiunneqapput:

- Pisassarartsiniarnermi innersuussinermut immersugassaaq, kalaallisut
- Henvisningsformular til forløb på Pisassarfik, qallunaatut
- Pisassarnermi paasissutissanik piariarnissamut aamma/imaluunniit ingerlatitseqqinnissamut pisinnaatitsissut/Samtykke til forløb på Pisassarfik, indhentning og/eller videregivelse af oplysninger, kalaallisut qallunaatullu
- Kommunimit iliusissatut pilersaarut, kalaallisut
- Kommunal handleplan/ qallunaatut
- Nakorsamit oqaaseqaaat, innarluutip/nappaatip suussusaanik paasissutissartalik, kalaallisut
- Lægenotat med information om diagnose, qallunaatut

Inussiarnersumik Inuullaqqusillunga
Med venlig hilsen
Best regards

Mailip iluani Emnemi allaqqassaaq: Pisassariarnissamut innersuussineq aamma
innersuunneqartup aqqa naggataalu

Mailip iluani allaqqasussat: Innersuunneqartup aqqa naggataalu

- Innersuunneqartup aqqa naggataa, inuuup normualu
- Suussusilikkamik innarluutaa/nappaataa
- Ikiorteqartarpat ikiortaata ullormut suliffisa tiimii
- Ikuutinik atuinersoq atuinnginnersoq/ ikuutinik atuippat ikuuttaa allanneqassaaq
- Mailimi kakkiullugit ilanngunneqartut allanneqassapput

Innersuussinermi immersugassat pillugit apeqqutissaqarussi Pisassarfik
attavigisinnajuarparsi.



Nuna Tamakkerlugu Inunnut Innarluutilinnut Sullissivik
-Piginnaanngorsaaqqinnermut aamma piginnaanngorsarnermut

📞 +299 34 50 70
✉️ pissassarfik@nanoq.gl
🏡 Nalunnguarfimmut 4
Postbox 477
3911 Sisimiut
Pissassarfik

Allaffiup ammasarfii:

Ataa-tall:
Nal.: 09:00-12:00 aamma 13:00-15:00

Arf-sap.: Matoqqavoq



www.pissassarfik.gl
GLN nr. 5790001954291